



CAatalogus sancto//rum [et] gestor[um] eor[um]

Petrus <de Natalibus>

Lugduni, 1508

Jncipit p[ro]logus tertij libri.

[urn:nbn:de:hbz:466:1-70797](https://nbn-resolving.org/urn:nbn:de:hbz:466:1-70797)

tū sola sancti anastasi intercessio obtinere potest
tu isser. Hec Grego. primo dialogo. cap. viij.

Explicit liber secundus.

Incipit prologus tertij libri.



Tertius liber

huius catalogi continet sanctorum passionum et gesta: quorum festiuitates eueniunt infra illud tempus in quo representat ecclesia ipsius dei sponse per anulum subaratum atque desponsatione: quod fuit a christi baprisimo usque ad eius resurrectionem. Et illud tempus ecclesia representat a septuagesima usque ad pascha: In quo re vera tempore sancta ecclesia primis tribus dominicis subaratur anulo fidei per christi doctrinam et predicationem: hoc est in dominica septuagesime: septuagesime: et quinquagesime. Quas predicationem christus primo per discipulos adimpleuit: cum. lxxij. discipulos ante faciem suam misit in omnem ciuitatem et locum quo erat ipse venturus. Et hoc in euangelio ipsius dominice septuagesime mystice denotatur: in patrefamilias qui est ipse christus: qui exiit primo mane conducere operarios: id est predicatorum in vineam suam sanctam: scilicet ecclesiam in qua ipsos introiit. Secundo ipsius predicationis officium etiam per seipsum exercuit. Et hoc in euangelio dominice septuagesime figuratur in seminare: quod ipse ueritas de semine predicationis exponit. Tertio eandem predicationem etiam miraculis confirmauit. Et hoc in euangelio dominice quinquagesime exprimitur per cecum illu-

minatū a christo: humanus genus significārem a cecitate culpe per uerbi dei predicationē illustratum. Sequentibus uero quattuor dominicis: scilicet a prima dominica quadragesime usque ad dominicam passionis: dei sponsa anulo spei subaratur per christi penitentiam et afflictionem: de qua tunc iugiter memoria colitur. Et quod penitentie opera in quattuor consistunt: scilicet in ieiunio: oratione elemosina et peregrinatione: quod christus cepit facere et docere. Ideo in prima dominica agit de christi ieiunio: quod specialius in euangelio commemoratur. Tum enim ieiunauerat quadraginta diebus et quadraginta noctibus etc. In secunda agit de oratione: de qua in euangelio mentio habetur. Nam ideo motem thabor excelsum ascendit: ut oraret etc. quod quibus mattheus filiarum: marcus et lucas expressius sonant. In tertia agit de christi elemosina: non quidem materialis pecunie quam christus pauper uide daret non habuit: sed spiritualis gratie quam egros sanando concessit: ideo in euangelio cecus: surdus: mutus: et demoniacus ab omnibus ipsis passionibus liberatus introducit. In quarta agit de peregrinatione: que in euangelio specialiter recollitur: ideo ibi. Abiit iesus trans mare galilee etc. Ultimis uero duabus dominicis ecclesia anulo charitatis decoratur: dominica passionis uidelicet et palmarum per christi mortem et passionem: que tunc deuotissime celebratur. Et merito duabus dominicis talis memoria recollitur: quia duo sunt precepta charitatis: dei scilicet amor et proximi: quam christus pro nobis partendo signanter exhibuit infinitam. Et ideo in prima dominica agit de passione mentali que pertulit a iudeis eiecitus et expulsus: quod ad litteram in dominicali euangelio et per toram legitur septimanam. In secunda agit de passione corporali: quam sustinuit in carne passus et crucifixus: quod in quattuor passionibus in ipsa hebdomada ad litteram demonstratur. Ad huius igitur temporis festa perquirenda ueniendum est.